



**GODIŠNJI IZVJEŠTAJ**

**2022.**

[www.fondacijacure.org](http://www.fondacijacure.org)

Naslov

Fondacija CURE  
Izveštaj 2022.

Izdavačice  
Fondacija CURE

Urednica  
Medina Mujić

Lektura  
Enida Čamdžić

Prelom  
Tanja Ćurić

Štampa  
Cober d.o.o.

Tiraž  
100

# SADRŽAJ

UVOD .....	4
Misija Fondacije CURE .....	6
Vizija Fondacije CURE .....	6
Identitet Fondacije CURE .....	7

## PROJEKTI FONDACIJE CURE

Razvoj kapaciteta Fondacije CURE .....	13
Zagovaranje za ženska prava .....	13
Pristup predvođen pokretom – Rodna pravednost .....	16
Rodno osjetljive lokalne politike općine Centar Sarajevo u procesu pristupanja EU .....	18
Feminizam nije vodio ratove .....	22
Progovori o nasilju! .....	25
Pružanje brzog odgovora, podrške i integracije za tražiteljice azila .....	28
Žene i izgradnja mira u Bosni i Hercegovini .....	28
Zalaganje za ženska prava u BiH .....	31
XVII PitchWise festival ženske umjetnosti i aktivizma u BiH .....	37
Ženska mreža BiH .....	40

## CURE PARTNERSTVA

Inicijativa „Građanke za ustavne promjene“ .....	43
Mir sa ženskim licem .....	45
Inicijativa „Podijelimo odgovornost ravnopravno“ .....	46

CURE SARADNJA .....	47
OSTALE AKTIVNOSTI FONDACIJE CURE .....	50
POZITIVNA PRIČA VOLONTERKE .....	55
MREŽE .....	56
MEDIJSKA VIDLJIVOST .....	58
STATISTIKA .....	60
DONATORKE I DONATORI .....	65

# FONDACIJA CURE IZVJEŠTAJ ZA 2022. GODINU

## UVOD

Fondacija CURE (CURE) je feminističko-aktivistička organizacija koja djeluje za ravnopravnost spolova i rodova zalažući se za pozitivne društvene promjene putem obrazovnih, umjetničko-kulturnih, istraživačkih i zalagačkih programa. Fondacija je počela sa radom 7. 11. 2005. godine. Organizujući afirmativne akcije, Fondacija CURE slavi snagu i moć žena, te radi na osnaživanju žena i djevojčica i drugih rodno senzitivnih osoba kako bi postali/e pokretači/ce društvenih promjena u BiH i svijetu. Feministički aktivizam omogućio je siguran prostor u kojem su žene jake, neustrašive, sposobne i ujedinjene u svim svojim različitostima. Fondacija CURE je organizacija aktivistkinja, profesionalki i volonterki koje izlaze na ulice u znak javnog protesta protiv nasilja, diskriminacije, kršenja zakona, ženskih prava i osnovnih ljudskih prava, organizuju performanse protiv nasilja, pozivaju umjetnice/ke, naučnice/ke, edukatorice/e, aktivistkinje/e, građanke/e, predstavnice/ke marginalizovanih i ranjivih skupina na akciju i konkretan lični doprinos za kreiranje boljeg i zdravijeg bosanskohercegovačkog društva, te kroz različite zagovaračke mehanizme utiču na stvaranje javnih politika socijalne pravde i najviših standarda poštovanja ljudskih prava.

Doprinosеći kreiranju i razvoju solidarnog i inkluzivnog ženskog/feminističkog pokreta u Bosni i Hercegovini i svijetu, Fondacija CURE se vidi kao nositeljica društvenih promjena kojim se poboljšava status žena i djevojčica, te marginalizovanih društvenih skupina, čime žene postaju ravnopravne i aktivno učestvuju u donošenju i provođenju odluka.

Tim trenutno okuplja **deset snažnih žena** različitih dobnih, nacionalnih, profesionalnih, aktivističkih i interesnih profila, okupljenih oko zajedničke misije i vizije, ali i sa snažnim

ličnim stavom o prioritetnim aspektima djelovanja Fondacije CURE, te o najvažnijim društvenim temama kojima se Fondacija CURE bavi i kojima bi se trebala baviti. Fondacija CURE podržava članice svoga tima u daljem razvoju njihovih ličnih kompetencija i interesa.

U proteklom periodu, pojedinke iz tima Fondacije CURE su za svoj aktivističko-feministički rad i društveni angažman dobile i međunarodne i državne nagrade.

Fondacija CURE aktivno učestvuju u radu više mreža civilnog društva u Bosni i Hercegovini i regiji, te spremno stupa u ad hoc koalicije i partnerstva sa kredibilnim partnerskim organizacijama i osobama čije vrijednosti djelovanja promovišu rodnu ravnopravnost i ženska prava u svojoj punoći.

Neke od mreža u kojima je Fondacija CURE aktivna i čijem radu doprinosi su:

- Ženska mreža BiH (ŽMBiH) – u kapacitetu koordinacijske organizacije
- ERA – LGBIT Equal rights association
- EuroMed feministička inicijativa
- Fondacija Anna Lindh
- Inicijativa za monitoring EU integracija u BiH
- Koalicija za borbu protiv govora mržnje i zločina iz mržnje
- Ženski sud - Regionalni organizacioni odbor u čijem radu je sudjelovalo 10 organizacija
- Mreža za izgradnju mira
- Inicijativa „Građanke za ustavne promjene“
- Mreža kulturnih rodnihih praksi
- Koalicije romskih i neromskih organizacija civilnog društva
- Mreža Žena u crnom kroz individualni aktivizam

- IGLYO
- ILGA Europe

Svoje učešće u radu mreža i zajedničkih inicijativa Fondacija CURE vidi kao osnovni mehanizam za razvoj solidarnog i inkluzivnog ženskog pokreta u BiH kojem teži, ali i kao priliku da svoju energiju, znanje i feminističku misiju ugrade u borbu za unaprjeđenje položaja žena, kao i ostalih marginalizovanih društvenih skupina u BiH.

## **Misija Fondacije CURE**

Fondacija CURE, kao prepoznata feministička organizacija, radi na podršci, jačanju kapaciteta i kreiranju sigurnog okruženja kroz edukativne programe, istraživanja, analize i javno zagovaranje, lokalno i regionalno umrežavanje, angažovanu umjetnost i aktivizam za sve žene, djevojke, djevojčice, aktivistkinje i feministkinje, za njihovo aktivno i odgovorno učešće u pozitivnim društvenim promjenama, izgradnji mira i stvaranju inkluzivnog i održivog ženskog pokreta.

## **Vizija Fondacije CURE**

Fondacija CURE zalaže se za ravnopravnost žena i djevojčica u Bosni i Hercegovini, posebno onih iz društveno marginalizovanih skupina, za društvo bez patrijarhalnih normi u kojem se ne toleriše nasilje i diskriminacija i gdje su žene prepoznate kao odgovorne pokretačice i nositeljke pozitivnih društvenih promjena, te ravnopravno donose odluke u društvu.

Fondacija CURE nastoji doprinijeti stvaranju održivog i solidarnog ženskog pokreta koji uvažava generacijske i sve druge razlike, ima kapacitet, znanja i snagu da pokrene, podrži i

iznese procese koji će dovesti do poboljšanja položaja žena, kao i drugih marginalizovanih društvenih skupina.

## Identitet Fondacije CURE

Fondacija CURE je feministička, antimilitaristička i antifašistička organizacija koja se primarno identifikuje i opredjeljuje kao feministička organizacija, prihvatajući multiplicitet feminizma i svih tema od važnosti za dalji razvoj rodne ravnopravnosti u društvu i smatrajući se motorom promjene koji doprinosi snažnijem razvoju ženskog pokreta u Bosni i Hercegovini. Drugi važan dio identiteta Fondacije CURE vezan je za insistiranje na uključivanju, na inkluzivnom pristupu koji podrazumijeva izoštren fokus ka dodatno višestruko marginalizovanim grupama žena – Romkinjama, ženama i djevojčicama s poteškoćama u razvoju, ženama iz malih ruralnih zajednica, lezbijkama, biseksualnim i trans\* ženama (LBT\*), samostalnim roditeljicama, ženama treće dobi, **ženama koje su** preživjele nasilje te drugim društveno marginalizovanim kategorijama, te zagovaranju za njihovo ravnopravno uključivanje u sve društvene tokove, posebno na mjestima gdje se donose odluke. Ovakva politika Fondacije čini CURE i aktivistkinjama koje se zalažu za borbu protiv rodne, spolne, klasne, rasne, etničke, seksualne, zdravstvene, ekonomske, te svake druge isključenosti žena i djevojčica po bilo kojem osnovu.

Aktivne i prepoznate kao predvodnice brojnih inicijativa unutar ženskog pokreta u BiH, CURE se zalažu za detabuizaciju određenih tema unutar ženskog pokreta i u društvu općenito, protiveći se primjetnom i narastajućem trendu isključivog fokusa na „soft“ ili manje kontroverzne teme unutar bosanskohercegovačkog društva.

Identifikujući se kao feministička organizacija, Fondacija CURE primarno se fokusira na direktan rad sa ženama i djevojčicama, na njihovo osnaživanje u vezi ženskih prava



i aktivizma, te jačanje uloge žena i djevojčica u društvu. S jedne strane, svojim radom motivišemo novu generaciju feministkinja i aktivistkinja, a s druge radimo na jačanju ženskog pokreta koji uvažava generacijske razlike i različite pristupe u načinu rada u vezi tema rodne i spolne ravnopravnosti, omogućavajući i njegujući individualizam unutar zajedničkog.

Svoju ključnu ulogu Fondacija CURE upravo prepoznaje u okrenutosti ka razvoju ženskog pokreta, dok u sadašnjosti, kroz različite projekte javnog zastupanja i zagovaranja, učestvuje u stvaranju sigurnog i pozitivnog okruženja za feminizam i aktivizam.

Promovišući kulturu nenasilja i antidiskriminacije, Fondacija CURE insistira na vidljivosti žene, njene uloge u društvu kroz javnost rada, ulični aktivizam i angažovanu umjetnost, te promociju ženske i feminističke perspektive na sva društveno-politička pitanja. Kombinujući aktivizam, saradnju s institucijama i umrežavanje u BiH i u regiji, Fondacija CURE obuhvata širok spektar ciljnih grupa i veliki dio javnosti. Ključ uspjeha upravo je u ovim različitim pristupima, kao i spremnosti tima Fondacije da se dodatno razvija u još jaču organizaciju koja će moći da odgovori na izazove u društvu.

U nizu aktivnosti i programa koje Fondacija CURE provodi, postoje tri koja su prepoznatljivo vezana za sam identitet organizacije i okosnica su budućih programa i aktivnosti, kako zbog svoje programske, tako i zbog simboličke vrijednosti i činjenice da su potpuno otvorenog, inkluzivnog karaktera i omogućavaju učešće svih koji/e doprinose razvoju ženskog pokreta i feminističke misli u Bosni i Hercegovini:

## Osmomartovski marš

Fondacija CURE tradicionalno organizuje i predvodi Osmomartovski marš u Sarajevu, povodom sjećanja na početke ženskog pokreta i s ciljem skretanja pažnje javnosti na problem rodne neravnopravnosti i svakodnevnih životnih problema žena u Bosni i Hercegovini. Svake godine Fondacija CURE poziva i predstavnike/ce marginalizovanih grupa, radnike/ce, učenike/ce, studente/kinje, žene treće dobi, predstavnike/ce institucija, akademske zajednice, predstavnike/ce medija, te građane/ke da se pridruže maršu.



PitchWise Festival ženske umjetnosti i aktivizma u BiH koji se organizuje od 2006. godine postao je zaštitni znak Fondacije CURE kao jedinstveni feministički međunarodni događaj koji objedinjuje aktivizam i angažovanu umjetnost. Festival je nastao iz ideje da se osvoje „zapušteni” javni prostori i transformišu u mjesto koje okuplja umjetnice uključene u rješavanje različitih društvenih problema, aktivistkinje, naučnice, feministkinje i sve druge zainteresovane za pitanja položaja žena u BiH i regiji. Kao važan društveni događaj u Bosni i Hercegovini, PitchWise su prepoznali/ i ostali/e društveno-ekonomski akteri/ke i kao takav je brendiran.



## 16 DANA AKTIVIZMA (25. novembar - 10. decembar)

Svi/e mi želimo da se poštuju naša ljudska prava i da živimo bez nasilja. Nažalost, to nije slučaj kada su u pitanju mnoge žene i djevojčice diljem svijeta. Nasilje ne poznaje granice. Širom svijeta, od Bosne i Hercegovine do Dominikanske Republike, žene se bore za svoja osnovna ženska prava.

Fašizam promoviše autoritarizam, militarizam i nacionalizam, vrijednosti koje dokazano potiču nasilje i rat. Rat nesrazmjerno pogađa žene i djevojčice, kako kratkoročno tako i dugoročno. Žene i djevojčice glavne su mete seksualnog nasilja i trgovine ljudima tokom ratova, a u postkonfliktnim društvima rodno uvjetovano nasilje i dalje raste. Stoga je centralna tema na koju se Fondacija CURE fokusirala ove godine za vrijeme trajanja kampanje bila: **FEMINIZAM NIJE VODIO RATOVE – KLEROFAŠIZAM JESTE!**

Fondacija CURE definiše sljedeće ključne vrijednosti u kontekstu rada i funkcionisanja Fondacije, te u građenju i osnaživanju ženskog pokreta u BiH:

- Solidarnost među ženama
- Međugeneracijska solidarnost i prenos znanja
- Osnaživanje žena, posebno društveno marginalizovanih ženskih grupa
- Inovativnost u radu i pristupu
- Transparentnost unutar tima i spram drugih
- Feministički identitet
- Okrenutost ka različitim identitetima, potrebama i snovima žena i djevojčica
- Aktivizam kao način uticaja na pozitivne društvene promjene
- Stvaranje sigurnog prostora za žene i djevojčice
- Dosljednost u radu, te posvećenost ostvarivanju socijalne pravde

- Antifašizam
- Antimilitarizam
- Nenasilje
- Sloboda izbora i različitost identiteta.

Ovom prilikom tim Fondacije CURE želi se zahvaliti svima na saradnji, podršci i solidarnosti.

Tim Fondacije CURE: Jadranka, Vedrana, Stela, Denija, Selma, Medina, Saša, Enida, Lana i Sanda.

Podržavateljice/i i saradnice/i Fondacije CURE: Nezira, Safija, Saša K., Hana, Alma, Vesna, Emina, Una, Maida, Delila, Azra, Marija, Aiša, Dijana, Dina, Mahira, Bojana, Neira, Alda, Almedina i Sabina.

Članovi/ice Upravnog odbora: Ranka, Hana, Nađa, Saša i Joško.



## PROJEKTI FONDACIJE CURE

### Razvoj kapaciteta Fondacije CURE

Kroz ovaj dugogodišnji projekat koja pruža podršku razvoju kapaciteta članica Fondacija CURE, Fondacija CURE se može fokusirati na osnaživanje mladih žena i djevojaka u smislu jačanja njihovih kapaciteta u oblasti ženskih prava kako bi doprinijele zaustavljanju rodno zasnovanog nasilja. U 2022. godini smo radile na osnaživanju naših kapaciteta izrađujući potrebne dokumente u cilju olakšavanja rada Fondacije CURE i ostvarivanja svih planiranih rezultata u skladu sa Strateškim planom Fondacije CURE. U 2022. godini smo osigurale supervizijsku podršku za članice tima i *retreat* u Egiptu nakon PitchWise festival ženske umjetnosti i aktivizma.

### Zagovaranje za ženska prava

Projekat „Zagovaranje za ženska prava“ finansirala je Evropska unija, a realizovala Fondacija CURE i Fondacija za osnaživanje žena. Tokom implementacije, koja je trajala dvije godine, radilo se na jačanju kapaciteta 50 aktivistkinja i braniteljki ženskih prava iz deset organizacija iz deset opština. Cilj Projekta je bio doprinijeti promociji i poštovanju ženskih prava, te iskorjenjivanju diskriminacije žena sa posebnim fokusom na žene i djevojke pripadnice marginalizovanih i manjinskih grupa u deset opština.

Lokalne organizacije sa kojima smo surađivale u 2022. godini su Udruženje građana „Psihološki centar SENSE“ iz Banje Luke, Udruženje žena „Sara – Srebrenica“, Udruženje žena „Nera“ Konjic, Udruženje žena „Vrbe“ Mostar i Udruženje žena „Srce i duša“ Prokosovići, Lukavac. U 2022. godini smo u sklopu projekta provele ukupno 13 aktivnosti

u pet lokalnih zajednica (Banja Luka, Srebrenica, Konjic, Lukavac i Mostar) i u Sarajevu (konferencija za medije). Tokom cijele godine u implementaciji projektnih aktivnosti učestvovalo je 146 osoba, od čega 105 članica iz nevladinog sektora i 40 predstavnika/ca lokalnih javnih institucija.

Neki od rezultata implementacije projekta u 2022. godini su: više od 30 braniteljki ženskih prava iz pet nevladinih organizacija postale su pokretačice pozitivnih promjena;

- članice pet organizacija sa kojima smo saradivale ojačale su svoje kapacite za lobiranje i zagovaranje kroz osam različitih treninga koje smo organizovale tokom 2022. godine;
- preko 50 članica iz nevladinih organizacija učestvovala su u izradi pet zagovaračkih planova za buduće djelovanje na lokalnom nivou;
- iz 5 lokalnih zajednica proizašlo je preko 10 inicijativa ka lokalnim institucijama i građanstvu koje su provele lokalne organizacije uz podršku i mentorstvo Fondacije CURE i Fondacije za osnaživanje žena;
- Održano je pet okruglih stolova za predstavnike/ce lokalnih institucija i nevladinih organizacija u pet lokalnih zajednica s ciljem dobijanja podrške lokalnih institucija i saradnje sa nevladinim organizacijama kako bi se poboljšali uslovi života žena.



## Zagovaranje za ženska prava Women Human Rights Advocates



**CURE**

Centar za ženska i žensko  
pouzdanje i odgovornost  
Centar za ženska i žensko  
pouzdanje i odgovornost  
Centar za ženska i žensko  
pouzdanje i odgovornost  
Centar za ženska i žensko  
pouzdanje i odgovornost





## Pristup predvođen pokretom – Rodna pravednost

Fondacija CURE provodi *Movement-Led Approach* (Pristup predvođen pokretom) koji je pokrenuo Globalni fond za žene na Zapadnom Balkanu kao odgovor na porast antirodnih pokreta u regiji i u cilju podrške Pokretu za rodnu pravednost. U 2022. godini započele smo istraživanje o organizovanju balkanskih feminističkih i aktivističkih kolektivnih akcija i pokreta s fokusom na rodnu pravednost, a koje će pokazati trenutno stanje feminističkih pokreta koji se mobilizuju protiv seksualnog i rodno uvjetovanog nasilja (SGBV) i antirodnih pokreta u osam (8) zemalja: zemljama Zapadnog Balkana (Republika Albanija, Bosna i Hercegovina, Kosovo, Republika Sjeverna Makedonija, Crna Gora i Republika Srbija), te u Republici Hrvatskoj i Republici Sloveniji.



U okviru projekta, Fondacija CURE organizovala je 7. i 8. novembra u Sarajevu Regionalni sastanak za umrežavanje aktivistica Pokreta u regiji Zapadnog Balkana na kojem je učestvovalo 59 predstavnika/ca pokreta za rodnu ravnopravnost i rodnu pravednost. Prvi dan organizirale smo fokus grupe/intervjue za svaku od zemalja, a drugi dan smo razgovarale o zajedničkim regionalnim i nacionalnim akcijama/kampanjama na sljedeće teme: Rodna pravednost, LGBTIQ+ prava, Seksualno i rodno zasnovano nasilje, Ravnopravnost s posebnim fokusom na manjinske i marginalizovane skupine žena, Aktualni problemi - akcije koje nisu spomenute i Kampanje na društvenim mrežama.



## Rodno osjetljive lokalne politike općine Centar Sarajevo u procesu pristupanja EU

U 2022. godini Fondacija CURE započela je implementaciju jednogodišnjeg projekta „Rodno osjetljive lokalne politike općine Centar Sarajevo u procesu pristupanja EU“. Ovaj projekat bio je dio šire akcije „Unaprjeđenje rodne ravnopravnosti kroz proces pristupanja EU“ koju sufinansiraju Evropska unija i Švedska agencija za međunarodni razvoj (SIDA). Regionalni partneri koji su provodili ovu akciju su Reactor – Istraživanje na djelu iz Sjeverne Makedonije, Albanska mreža za osnaživanje žena (AWEN) iz Albanije, Prava za sve iz Bosne i Hercegovine, Mreža žena Kosova (KWN) s Kosova, Centar za ženska prava (WRC) iz Crne Gore i Fondacija Kvinna till Kvinna iz Švedske preko svog ureda u Sjevernoj Makedoniji.

Projekt „Rodno osjetljive lokalne politike općine Centar Sarajevo u procesu pristupanja EU“ bio je orijentiran na analizu rodničkih politika, programa i budućih aktivnosti u općini Centar Sarajevo. Tokom njegove provedbe Fondacija Cure se zalagala za razvoj rodničkih politika na lokalnom nivou, uz izradu takvog dokumenta lokalne politike koji će u najvećoj mogućoj mjeri inkorporirati preporuke UNCEDAW-a za Bosnu i Hercegovinu, posebno u pogledu položaja socijalno marginaliziranih grupa žena, kao i dokumente o politici koje su izradile lokalne ženske organizacije u skladu s preporukama rodne politike EU-a.

U skladu sa navedenim, izrađena je Analiza implementacije Gender akcionog plana općine Centar Sarajevo za period 2016. – 2018. godine sa preporukama autora/ice Brahima Kajevića i Sanje Petrović, a koju je uredio Joško Mandić. Osnovni cilj dubinske analize LGAP-a je evaluacija uspješnosti njegove provedbe u općini Centar Sarajevo s posebnim naglaskom na uključivanje socijalno ugroženih i marginaliziranih skupina

žena, kao i pripremanje i prezentiranje preporuka za novi LGAP s inkorporiranom rodnom perspektivom relevantnim lokalnim akterima/cama. Preporuke iz navedene analize uključene su u nacrt GAP općine Centar za period od 2023. – 2027. godine, a predstavница Fondacije CURE učestvovala je na Javnoj raspravi koju je organizirala općina Centar povodom izrade novog GAP-a.

Analiza je dostupna na: [https://fondacijacure.org/wp-content/uploads/2022/09/Reactor2022\\_analiza\\_final\\_web.pdf](https://fondacijacure.org/wp-content/uploads/2022/09/Reactor2022_analiza_final_web.pdf)

U okviru projekta, provedena je i zagovaračka kampanja u cilju informisanja javnosti o značaju lokalnih gender akcionih planova kao i u cilju promovisanja Analize GAP-a općine Centar sa pratećim preporukama. Fondacija CURE stoga je objavila nekoliko poruka koje su se mogle pročitati na bilbordima na različitim lokacijama u općini Centar uključujući najvažniju poruku “Uklonimo nevidljive barijere – uključimo društveno marginalizirane skupine žena u sve lokalne politike”. Nadalje, održana su 3 digitalna događaja gdje se su se iz studija Fondacije CURE obratili/e stručnjaci/kinje za rodnu ravnopravnost i gender akcione planove. Događaji digitalnog zalaganja mogu se pogledati na sljedećim linkovima:

Rodno senzitivni pristup EU i značaj Gender akcionih planova | Facebook

Rodno senzitivni pristup EU kroz prizmu analize Gender akcionog plana Općine Centar | Facebook

<https://fb.me/e/3KXmWj5XH>

Napisana su i četiri zagovaračka članka čiji autori/ice su stručnjaci/kinje za evropske integracije, rodnu ravnopravnost i gender akcione planove:

1. *Strateška partnerstva javnog i civilnog sektora kao faktor koji doprinosi efikasnijoj*

*realizaciji lokalnih politika za rodnu ravnopravnost i poboljšanju položaja žena i djevojčica, posebno iz marginalizovanih grupa* autorice Sanje Dakić Petrović

2. Šta je ranjivost bez podataka? autora Brahima Kajevića
3. *Upoznavanje marginalizovane grupe i pristup EU* autorice Aide Mehdić i
4. *Gdje je rodna ravnopravnost u procesu EU integracija BiH?* autorice Amine Dizdar.

Članke možete pročitati na sljedećem linku: <https://fondacijacure.org/rodno-osjetljive-lokalne-politike-opcine-centar-sarajevo-u-procesu-pristupanja-eu-3/>

Značaj ovog projekta ogleda se u tome da je skrenuta pažnja lokalnim dužnosnicima/ama na značaj gender akcionih planova, na položaj marginalizovanih grupa, feminizaciju siromaštva isl. Primarna odnosno direktna korisnička grupa sastoji se od oko 100 političkih dužnosnika/ca i državnih službenika/ca u općini Centar kao i članova/ica Komisije za ravnopravnost spolova. Indirektni/e korisnici/e su građani/ke Općine Sarajevo (oko 50.000) a posebno žene iz društveno marginalizovanih kategorije koje se često zanemaruju u politikama i akcijama zbog zakonskih ograničenja u definiciji ranjivih kategorija.

Što se tiče objava na Facebook stranici Fondacije CURE, a u vezi aktivnosti projekta i događaja tokom provođenja digitalne kampanje, dostignuto je preko 4000 organskih *reach-eva*, a objave imaju oko 90 *like-ova*. Projekt je otvorio pitanja o važnosti rodno osjetljivih akcijskih planova u jedinicama lokalne samouprave. Prijedlozi iz naše Analize uvršteni su u nacrt novog GAP-a općine Centar, što predstavlja veliki uspjeh projekta.

Lokalni/e akteri/ce su upoznati sa značajem i širinom ovog područja, te da postoji niz problema koji se moraju urgentno rješavati jer se tiču vrlo važnih životnih pitanja građana/ki ove općine.



## Feminizam nije vodio ratove

Fondacija CURE realizovala je projekat „Feminizam nije vodio ratove“ uz finansijsku podršku Fondacije HBS. Cilj projekta je bio da ukaže na različite izazove sa kojima se susreću i sa kojima su se ranije susretale žene koje su željele da budu politički aktivne i da daju svoj doprinos u izgradnji bolje budućnosti BiH. Provodeći ovaj projekt želimo da pomognemo i podržimo sve žene koje žele da, bez obzira na prepreke i probleme na koje nailaze, naprave iskorak i budu aktivne sudionice političkog i društvenog života.

U okviru projektnih aktivnosti, izrađena je publikacija „Žena sa političkim mandatom – Iskustveni priručnik sa prostorom za dopunu“ u kojem se nalaze svjedočanstva žena koje su bile aktivne političarke o problemima na koje su nailazile tokom svog rada dok su bile aktivne političarke, kao i o tome ko im je bio podrška. Izazovi kojima su bile izložene tokom predizbornih kampanja ostavljali su fizičke i psihičke posljedice na njihova tijela i njihove duše i jedan od ciljeva projekta je da rasvijetli različite aspekte ovih posljedica.

Tim povodom organizivano je pet promocija publikacije u Sarajevu, Tuzli, Banjoj Luci, Brčkom i Mostaru kako bi ženama koje su politički angažovane pružile podršku i mehanizme da ne odustaju od politike i samim tim shvate važnost svog aktivnog političkog djelovanja za sve građane i građanke BiH.

Kao završna aktivnost održan je seminar „Od izbora do izbora“ na kojem je prisustvovao veliki broj politički angažovanih žena iz različitih političkih stranaka iz BiH.

Važno je napomenuti ukupan broj direktnih i indirektnih korisnika/ca projekta *Feminizam nije vodio ratove*:

- broj učesnika/ca tokom XVII PitchWise festivala – Festivalu koji se održavao u periodu od 8. do 11. septembra 2022 prisustvovalo je oko 300 učesnika/ca (muškaraca i žena);
- broj intervjuisanih žena u priručniku „Žena sa političkim mandatom – Iskustveni priručnik sa prostorom za dopunu“ – intervjuisano je **ukupno 20 žena** koje su bile politički angažovane u prethodnom periodu;
- broj učesnika/ca na promocijama / javnim događajima – **ukupno 75 učesnika/ca** prisustvovalo je na pet javnih događaja u pet lokalnih zajednica;
- odštampano je i podijeljeno **ukupno 100 priručnika** tokom organizovanja pet javnih događaja u pet lokalnih zajednica;
- digitalno zalaganje - Podcast namjenjen promociji priručnika „Žena sa političkim mandatom – Iskustveni priručnik sa prostorom za dopunu“. Moderator Sanel Hadžić razgovarao je sa Jadrankom Miličević, Senadom Bosno i Eminom Abrahamsdotter o njihovim iskustvima tokom predizbornih kampanja, kao i nakon ulaska u strukture izvršne i zakonodavne vlasti, ali i o iskustvima sa terena onda kada se mandat potvrdi. Ukupan broj osoba koje su vidjele podcast je 852, a 169 osoba je bilo angažovano tokom podcasta, uključujući 11 komentara i jedno dijeljenje podcasta tokom trajanja. Kvantitativni indikator konkretno za ovu aktivnost je i više nego zadovoljen jer nam je bio cilj otvoriti prostor za diskusiju o ovim temama;



- seminar *Od izbora do izbora* održan je u periodu od 13. do 16. 10. 2022 u Sarajevu. Na seminaru je prisustvovalo ukupno **30 učesnika/ica** iz različitih političkih stranaka koje se bile kandidatkinje na Izborima 2022., a neke od njih su izabrane na pozicije na različitim nivoima vlasti i dolaze iz različitih gradova BiH.

Kao što se može vidjeti iz navedenih aktivnosti, kvantitativni indikator projekta pokazuje do 300 direktnih učesnica i učesnika. Međutim, nakon završetka projekta, imale smo više od 500 direktnih učesnika i učesnica, a indirektnih koji su putem online mreža učestvovali u projektnim aktivnostima bilo je znatno više.



## Progovori o nasilju!


Fondacija CURE radi na podršci, jačanju kapaciteta i stvaranju sigurnog okruženja za novu generaciju aktivistkinja i feministkinja, za njihovo odgovorno i aktivno uključivanje u pozitivne društvene promjene kroz edukacije, istraživanja, analize i javno zagovaranje, poboljšanje medijske slike žena i podizanje vidljivosti, lokalno i regionalno umrežavanje, angažiranu umjetnost, aktivizam i izgradnju inkluzivnog i održivog ženskog pokreta. U skladu s tim, implementiran je projekat *Progovori o nasilju!*.

Cilj je bio ojačati različite žene svih dobnih skupina koje će djelovati kao nositeljke pozitivnih društvenih promjena, stvarajući sigurno i pozitivno okruženje za poboljšanje kvalitete svakodnevnog života žena i drugih socijalno marginalizovanih grupa. Primarni fokus bio je na tome da se mlade djevojke (od 14 do 20 godina) i vršnjačke edukatorice (od 18 do 25 godina) osjećaju sigurnije od seksualnog i rodno zasnovanog nasilja u omladinskim vezama. Obrazujući mlade ljude da ne tolerišu nasilje, potičući mlade žene da budu pokretačice pozitivnih promjena, stvaramo siguran prostor i zdravije okruženje.

Kroz ovaj projekat pokušavale smo osigurati siguran prostor – privatni i javni, koristeći različite medijske alate (internet platforme, nove medijske platforme, društvene mreže itd.) kako bismo osnažile mlade žene da govore o rodno zasnovanom nasilju u vezama mladih.

U maju smo snimile dva dokumentarna filma pod nazivom „Progovori o nasilju“, dostupan na: <https://www.youtube.com/watch?v=z8WpHFeiRoE&t=1s> i „Nulta tolerancija na nasilje“, dostupan na: <https://www.youtube.com/watch?v=nD7sgMFMgqU>

U periodu od januara do maja 2022. godine provedena je video kampanja na TikTok nalogu „Mogu da neću“. Ova kampanja sa #Progovorionasilju otvorila je temu toksičnih odnosa mladih uz upotrebu žargona, primjera iz TV emisija i filmova, preporuku knjige i različite kvizove za publiku. Objavljeno je ukupno 56 kratkih video zapisa. Ukupan broj pregleda svih videa premašio je milion (1.139.053 pregleda), a prosječan broj pregleda po videu je 20.340. Ukupan broj lajkova iznosio je 61.515. Iako je publika bila uglavnom iz Srbije, prosječan postotak publike iz Bosne i Hercegovine bio je 12%. Video snimci su podijeljeni više od 2.300 puta i publika se angažirala sa više od 2.570 komentara. Svi sadržaji kampanje korišteni su kako u Srbiji (na Instagram i TikTok stranicama „Mogu da neću“) tako i u Bosni i Hercegovini (na Instagram stranici „Progovori o nasilju“ i Facebook stranici Fondacije CURE). Procjena je da su ovi različiti materijali i platforme kampanje dosegli najmanje 70.000 jedinstvenih korisnika/ca društvenih mreža, od kojih je većina između 13 i 25 godina.





## **Pružanje brzog odgovora, podrške i integracije za tražiteljice azila**

Fondacija CURE u saradnji sa CARE International Balkans je u periodu od nekoliko mjeseci u 2022. godini radila na implementaciji inicijative s ciljem ojačavanja kapaciteta i olakšavanje procesa integracije mladih žena i djevojčica u bh. društvo u sklopu projekta „Pružanje brzog odgovora, podrške i integracije za tražiteljice azila“. Fondacija CURE uvijek cilja ka osnaživanju žena, te smo upravo zahvaljujući ovom projektu, stvorile okruženje za zdravo, edukativno i raznovrsno iskustvo.

## **Žene i izgradnja mira u Bosni i Hercegovini**

Projekat „Žene i izgradnja mira u Bosni i Hercegovini“ imao je za cilj podizanje svijesti građana/ki o neophodnosti uključivanja žena u sve faze pregovora o miru i izgradnji mira. Projekat se temeljio na preporukama istraživanja „Suočavanje s nemirnom i izgradnja mira iz perspektive postdejtonske žene“ i pružio je priliku da se uključe mlade žene, žene srednje dobi i žene treće dobi, pripadnice manjinskih i marginalizovanih grupa, povratnice, žene preživjele nasilje i diskriminaciju, tražiteljice azila, djeca rođena kao posljedica ratnog silovanja, a koje su prepoznate kao agentice pozitivnih promjena u kontekstu izgradnje mira u BiH. U Sarajevu je od 11. do 13. maja održan je petnaesti regionalni sastanak koji su organizovale: predstavnice Fondacije CURE uz podršku predstavnicu Žena u crnom iz Beograda, Centra za žensko i mirovno obrazovanje Anima iz Kotora, Centra za žene žrtve rata iz Zagreba i Udruženja „HO Horizonti“ iz Tuzle. Kao rezultat ovog sastanka dokumentovane su digitalne priče koje se mogu pogledati na Youtube kanalu Fondacije CURE. U okviru projekta održane su radionice na temu „Žene i izgradnja mira u Bosni i Hercegovini“ i to u Varešu sa članicama Udruženja žena za ruralni razvoj, održivi povratak, reintegraciju i resocijalizaciju povratnika „ZVIJEZDA“, u Tuzli sa članicama Udruženja

„Ženska vizija” i u Mostaru u partnerstvu sa Udruženjem građana Dnevni centar za socijalnu skrb „Kuća otvorenog srca” organizovale su u svojim lokalnim zajednicama panele/radionice/uličnu akciju. U sklopu „16 dana aktivizma protiv rodno zasnovanog nasilja” ove partnerske organizacije organizirale su u svojim lokalnim zajednicama panele/radionice/uličnu akciju.



Na PitchWise festivalu ženske umjetnosti i aktivizma organizovan je panel „Neustrašive heroine mira“. Na panelu su govorile Delila Islamović, Aldijana Delić Musli, Ranka Katalinski i Tanja Mandić Đokić, a cjelokupnim procesom moderirala je Jasna Pekić.

Imajući u vidu sve izazove sa kojima se susreće bosanskohercegovačko društvo, ali i svaka ženska osoba, borkinja za ljudska prava, panel je, kao i publikacija, imao svrhu da

ilustrira moć pojedinki koje su preživjele različite oblike društvenih tortura i diskriminacije, a koje su uspjele naći snage da postanu liderice društvenih promjena. Iako naslijeđe rata često stavlja naglasak na viktimizaciju žena, ne treba izgubiti fokus sa sjajnog uspjeha koje su pojedine žene postigle i čime su dale lični doprinos poboljšanju statusa tih žena (ili grupe ljudi) unutar našeg društva, ali i sazrijevanju društva uopće. Publikacija „Neustrašive heroine mira” predstavljena je 14. 12. 2022. godine u Sarajevu.

Važno je napomenuti da:

- broj direktnih korisnika/ca iznosi 200 (66 osoba na radionicama, 20 osoba na promociji „Neustrašivih heroina mira” i 37 osoba na panelu tokom PW-a + ostali/online)
- broj indirektnih korisnika/ca iznosi 1400 osoba (online objave)



## Zalaganje za ženska prava u BiH

Fondacija CURE od 2021. godine implementira projekat „Zalaganje za ženska prava u Bosni i Hercegovini” koji podržava švedska Fondacija Kvinna Till Kvinna. „Feminističke aktivnosti zagovaranja za ekonomsko osnaživanje i društvenoekonomske mjere podrške za većinu marginalizovanih skupina žena“ čine zasebni dio ovog projekta. Cilj projekta jeste razvoj adekvatnih strategija i donošenje institucionalnih mjera ekonomskog osnaživanja marginalizovanih grupa žena s posebnim akcentom na žene koje su preživjele nasilje u porodici u FBiH. U 2022. godini promovisale smo *Vodič za ekonomsko osnaživanje žena* kao i *Ekonomski osnažENE - Istraživanje postojećih politika i programa zapošljavanja na nivou Federacije BiH usmjerenih na socijalno marginalizovane grupe žena sa fokusom na žene preživjele porodično nasilje*, te kreirale *Ekonomski OsnažENE - Entitetsku zalagačku platformu za pet kantona Federacije BiH: Unsko-sanski kanton, Posavski kanton, Kanton 10, Zapadno-hercegovački kanton i Srednjobosanski kanton*, autorice Maida Zagorac. Održale smo pet zagovaračkih sastanaka i kontinuirano nastavljamo s lobiranjem i zagovaranjem u segmentu postizanja rodne jednakosti na tržištu rada.

Dale smo doprinos u pisanju Alternativnog izvještaja o napretku Bosne i Hercegovine na putu za članstvo u Evropskoj Uniji 2021 godinu: Politički kriteriji u segmentu Socijalne politike i zapošljavanja „Učešće žena na tržištu rada – zapošljavanje i rodna ravnopravnost”.

*Link: [https://eu-monitoring.ba/site/wp-content/uploads/2022/05/BHS\\_FINAL\\_WEB-1.pdf](https://eu-monitoring.ba/site/wp-content/uploads/2022/05/BHS_FINAL_WEB-1.pdf)*

Uz podršku švedske feminističke Fondacije Kvinna till Kvinna, Fondacija CURE nastavlja sa upotrebom novih tehnologija u svrhu zalaganja za ženska prava. Naš primarni cilj je da



osiguramo prostor za kontinuiranu promociju ženske zalagačke perspektive u odnosu na aktuelna društveno-politička pitanja, omogućavajući direktnu komunikaciju sa publikom tokom *live streaming*-a naših digitalnih događaja.

Važno je napomenuti da:

- broj indirektnih korisnika/ca iznosi 180 (osobe koje su prisustvovalе sastancima, panelima i na predstavljanju ekonomskog segmenta projekta)
- *Vodič za ekonomsko osnaživanje žena* dostavljen je u sve Centre za socijalni rad u FBiH – radile smo sa ukupno 81 institucijom.



U protekloj godini smo producirale cijeli niz izuzetnih digitalnih zalagačkih događaja, kojima je primarni fokus bio briga o sebi, siromaštvo žena i nasilje nad ženama. Posebnost naših digitalnih zalagačkih događaja ogleda se u tome što se produciraju uživo kroz *streamovanje* na našim socijalnim mrežama čime omogućujemo direktnu interakciju sa publikom. Naime, bez obzira da li nam se pitanja i komentari postavljaju javno ili putem privatnih poruka – naše gošće i gosti mogu odmah ponuditi odgovor ili svoj komentar. Naš sjajni saradnik Sanel Hadžić, moderator naših digitalnih zalagačkih događaja, svojim je zalaganjem doprinio sveobuhvatnoj razradi tema sa našim gošćama i gostima. U toku 2022. godine, producirani su sljedeći događaji:

„Briga o sebi”, 6. 7. 2022., Ranka Katalinski; „Društveni pokreti”, 20. 7. 2022., Amila Ždralović; „Feminizacija siromaštva u BiH”, 27. 7. 2022., Svetlana Cenić; „Promocija ženskog aktivizma i umjetnosti”, 7. 9. 2022., Medina Mujić i Vedrana Frašto; „Orodnjavanje lokalnih politika”, 28. 9. 2022., Joško Mandić; „Dan nakon Opštih izbora 2022 – šta sad?”, 5. 10. 2022., Jadranka Miličević, Senada Bosno i Emina Abrahamsdotter; Inicijativa „Građanke za ustavne promjene”, 26. 10. 2022., Delila Hasanbegović Vučak; „Voljeti sebe“, 2. 11. 2022., Enida Glušac; „16 dana aktivizma protiv rodno zasnovanog nasilja nad ženama“, 23. 11. 2022., Aktivistkinje i braniteljke ženskih prava u BiH; „Aktivistički burn-out i kako ga spriječiti?”, 7. 12. 2022., Mirjana Gavrić.

Ono što smo primijetile tokom naših digitalnih zalagačkih događaja je da je preko 85% posto naših pratilaca/teljki ženskog spola, i da su teme poput brige o sebi, te zajedničke akcije i reagovanja ženskih organizacija sa područja BiH, a koje smo mi organizovale, najinteresantnije. Takođe, većina naših pratilaca/pratiteljki su osobe životne dobi između 33 i 44 godine starosti, dok npr. teme poput brige o sebi bivaju interesantne i starijim generacijama (životne dobi između 45 i 54 i 55 i 64 godine). Teme koje se na neki način dotiču pitanja rodno odgovornih politika ili uloge žena u politici imaju najraznovrsniju

podjelu po starosnim kategorijama među osobama koje prate naša digitalna zagovaranja.

Naša digitalna zagovaranja su, možemo slobodno reći, globalna, jer nas prate osobe iz Bosne i Hercegovine, Srbije, Njemačke, Austrije, Sjedinjenih Američki Država, Hrvatske, Švedske, Holandije, Crne Gore, Kanade, Švicarske, Italije, Danske, Slovenije i Grčke.

Naših 10 digitalnih zalagačkih događaja ukupno je pregledalo **6157** osoba.



**Svi naši digitalni razgovori su na raspolaganju za dodatne preglede na našem Youtube kanalu!**

Prioriteti su u svakoj lokalnoj zajednici drugačiji i zavise od nekoliko faktora, ali ono što je zajedničko za kompletnu društvenu zajednicu u BiH je činjenica da je na snazi feminizacija siromaštva – porast siromaštva žena svih dobi, politička nevidljivost žena – počevši

od nevidljivosti u Reformskoj agendi, ustavnim reformama, veoma malog broja žena u političkom životu BiH, ušteda na račun socijalnih programa koji bi omogućili ženama da aktivno sudjeluju na tržištu rada, pa do društvene marginalizacije ranjivih ženskih socijalnih kategorija poput Posebnih mama, žena sa invaliditetom, žena treće dobi, samostalnih roditeljki, LBT\* žena, žena sa sela i drugih. Kroz „Zalagačke radionice za unaprjeđenje prava žena u lokalnim zajednicama“ želimo da podstaknemo žene u lokalnim zajednicama da se aktivnije uključe u proces donošenja politika na lokalnom nivouima kroz propitivanje potreba žena i djevojčica i učešće i kreiranje lokalnih zalagačkih akcionih planova! Naša zalagačka radionica koja je održana u Mostaru 4. 8. 2022. godine okupila je 20 lokalnih aktivistkinja, braniteljki ženskih prava i politički aktivnih žena i otvorila prostor za razvoj međusobne saradnje u ovoj lokalnoj zajednici.



U novembru 2022. organizovale smo našu godišnju zalagačku konferenciju u Sarajevu u tzv. hibridnom formatu. Naime, 20 učesnica bilo je lično prisutno u konferencijskoj sali, a neke od učesnica su svoja izlaganja predstavile putem zoom platforme javljajući nam se iz dalekih zemalja. Na našim socijalnim mrežama preko **5900** osoba popratilo je našu konferenciju digitalnim putem. Obradene teme su se ticale položaja žena u politici, ali i generalnog stanja ženskih prava u Bosni i Hercegovini. Digitalni sažeci Konferencije su dostupni na našem YouTube kanalu <https://www.youtube.com/@fondacijacure2069> .



U svojim zalagačkim naporima ka poboljšanju položaja žena i djevojčica učimo od najboljih! Naša saradnja sa donatorskom partnerskom organizacijom Kvinna till Kvinna iz Švedske podrazumijeva i umrežavanje sa sjajnim ženama kao i učenje o drugim kulturama i političkim sistemima. Nacionalni dan Švedske, koji je obilježen 6. juna, bio je odličan povod da se zabavimo i produbimo veze između nas.

## XVII PitchWise festival ženske umjetnosti i aktivizma u BiH

Fondacija CURE organizovala je sedamnaesti Festival ženske umjetnosti i aktivizma PitchWise koji je počeo u četvrtak, 8. 9. 2022. godine u 18:00 sati, a završio 11. 9. 2022. godine u poslijepodnevним satima. Cjelokupni program održavao se u prostoru Historijskog muzeja BiH u Sarajevu, osim predstave koja se održala u prostoru Sarajevskog ratnog teatara SARTR u Sarajevu.

Veoma smo ponosne i sretnе što smo ove godine ugostile oko 300 osoba (registrovanih u toku **četiri** dana festivala) i dodatno oko 200 osoba koje su dolazile na noćni program PW. Učesnici/ce su bili/e iz lokalne zajednice, svih dijelova Bosne i Hercegovine i iz regije (Republike Srbije, Crne Gore, Republike Hrvatske) i iz svijeta (Italije, Francuske, Švedske). U sklopu ovogodišnjeg programa predstavilo nam se oko 60 umjetnica, teoretičarki, aktivistkinja i feministkinja.



Ovogodišnja centralna tema PitchWise-a je bila:  
**FEMINIZAM NIJE VODIO RATOVE – Patrijarhat jeste!**

Mi, organizatorice PitchWise-a, prije svega smo mirovne aktivistkinje koje svim srcem rade na izgradnji mira kako u BiH, tako i u cijelom svijetu, i smatramo političkim djelovanjem prenošenje naših iskustava i iskustava naših sestara, prijateljica i drugarica u ratu, postkonfliktnom dobu, procesu suočavanja s prošlošću i izgradnji mira. Smatramo da su žene te koje su najviše pogođene ratovima i periodom nakon rata, iako same nikada ne biramo rat.



## PitchWise IZLOŽBE

U periodu od 8. do 11. 9. 2022. godine u Historijskom muzeju BiH postavljeni su umjetnički radovi u sklopu izložbe „Mi nismo birale rat – Bilješke o ženskim bitkama u ratovima koje je vodio patrijarhat“, kustosice Elme Hodžić.

Umjetnice koje su izložile svoje radove su bile: Ferida Duraković, Šejla Šehabović, Arma Tanović Branković, Aida Pašić, Adna Muslija i Rebeka Abdagić.





## Ženska mreža BiH

Fondacija CURE pokrenula je inicijativu za formiranje Ženske mreže BiH (ŽMBiH) koja je zvanično osnovana i počela sa radom 12. septembra 2009. godine na konferenciji pod istim nazivom, u okviru četvrtog PitchWise festivala ženske umjetnosti i aktivizma u BiH. Ženska mreža BiH neformalna je grupa koja danas okuplja preko 55 organizacija civilnog društva, pojedinki i pojedinaca koji/e zastupaju i bave se ženskim pravima i podsticanjem rodne ravnopravnosti, te promoviše antidiskriminaciju, slobodu odlučivanja, jednakost, nenasilje i antimilitarizam, uz prihvatanje feminističkih vrijednosti djelovanja – mira, solidarnosti, povjerenja, zajedništva, jednakosti i različitosti.

Ženska mreža BiH fokus svog djelovanja usmjerila je na jačanje zalagačkih kapaciteta kroz tehničko poboljšanje naših socijalnih platformi. Naša web stranica [www.zenskamreza.ba](http://www.zenskamreza.ba) i dalje prenosi najnovije vijesti koje se tiču kvaliteta života žena i djevojčica u Bosni i Hercegovini, te predstavlja resurs za sve one koji/e traže informaciju više. Naše učešće na sastancima koji se tiču unaprjeđenja položaja prava žena doveli su do toga da smo bile pozvane predložiti dva/ije kandidata/kinje za radno tijelo na državnom nivou koje/i će diskutirati o perspektivama novih generacija kroz ostvarivanje UN-ovih ciljeva za održivi razvoj.

Na Konferenciji Ženske mreže BiH pod nazivom „NULTA tolerancija na nasilje nad ženama – solidarnost i podrška“ koja je održana u Sarajevu 7. i 8. marta 2022. u hotelu „Grand“ zajedno smo diskutovale o temama vezanim za seksualno nasilje nad ženama, femicid, te razgovarale o različitim vidovima podrške koji su potrebni ženama koje su preživjele nasilje. Nakon Konferencije, članice Ženske mreže podržale su i učestvovala na Osmomartovskom maršu koji se organizirao pod sloganom „Feminizam nije vodio ratove, nacionalizam

jeste!“. U maju 2022. godine u Neumu je održana radionica usmjerena ka izgradnji kapaciteta Ženske mreže BiH za njene članice na temu „Digitalna sigurnost i društvene mreže“.



Sa ciljem jačanja **kapaciteta Ženske mreže BiH** i **ostvarivanja** eksternog strateškog cilja Ženske mreže BiH - Ravnopravnog položaja bosanskohercegovačkih žena, djevojaka i djevojčica, u 2022. godini dodijele smo 10 malih grantova članicama ŽMBiH. Grantovi su dodijeljeni organizacijama članica za aktivnosti promocije Međunarodnog dana žena i 16 dana aktivizma protiv rodno zasnovanog nasilja u 2022. godini. Ove organizacije djeluju u sljedećim lokalnim zajednicama: Derventa, Grahovo, Bihać, Prokosovići, Konjic, Bijeljina, Tuzla i Mostar.

Tokom 2022., Ženska mreža BiH izdala je sljedeća javna reagovanja:

- Saopštenje Ženske mreže BiH, Mreže za izgradnju mira i Inicijative „Građanke za ustavne promjene“ povodom Međunarodnog dana žena;
- „STOP Femicidu u BiH“ - Online reakcija ŽM BiH povodom ubistva žene u Bijaću 12. 10. 2022.
- Saopštenje za javnost Ženske mreže BiH: „MI ŽENE BOSNE I HERCEGOVINE, UJEDINJENE I SOLIDARNE, KAŽEMO: NIJEDNA VIŠE!“ 13. 10. 2022
- Saopštenje Ženske mreže BiH - Osuda ukazivanja dobrodošlice iranskom ministru 6. 12. 2022.



## CURE PARTNERSTVA

### Inicijativa „Građanke za ustavne promjene“

Inicijativa „Građanke za ustavne promjene” kojom koordiniše Helsinški parlament građana Banja Luka, u saradnji sa Fondacijom CURE imala je za cilj osigurati vidljivost problematike nevidljivosti žene u Ustavu BiH i pokrenuti ustavne reforme u BiH. U 2022. godini nastavile smo s kontinuiranim održavanjem sastanaka sa poslanicima/ama Parlamentarne skupštine BiH, predstavljajući inicijativu na Univerzitetima u BiH, te smo kroz saradnju s medijima osigurali/e veću vidljivost Inicijative. Održani su i sastanci s Gender centrom FBiH, te smo dostavile rodne amandmane koje je GC FBiH koristio prilikom izrade amandmana na Ustav FBiH. Održan je i online Master class „Orodnjavanje ustava u svjetlu međunarodnih i EU obaveza”. Teme obuhvaćene kroz tri modula su: „Ustav i međunarodni standardi iz CEDAW konvencije i Agende Rezolucije 1325 (žene, mir i sigurnost)“, „Ustav i regionalni standardi u oblasti rodne ravnopravnosti: Pravo i institucionalni okvir Evropske unije i Vijeća Evrope“, „Ustav i ostali relevantni standardi u oblasti rodne ravnopravnosti – proces ustavnih reformi u BiH iz rodne perspektive i zaštite ljudskih prava“. Pokrenuta je promotivna kampanja za podizanje svijesti javnosti o nedostacima Ustava BiH i važnosti rodne ravnopravnosti u svim segmentima života koji su od velikog društvenog značaja za sve građane i građanke Bosne i Hercegovine. „Kojeg je roda Ustav?“ pitanje je koje postavlja ova kampanja.

Nadalje, u Sarajevu je 2. 12. 2022. godine održana ulična akcija u organizaciji Fondacije CURE i Mreže za izgradnju mira, tokom koje su aktivistkinje Inicijative razgovarale sa građanima/kama i medijima o prioritetima Inicijative „Građanke za ustavne promjene“.

Više informacija o aktivnostima Inicijative možete pratiti na <https://gradjankezaustavnepromjene.wordpress.com/> i

FB: <https://www.facebook.com/inicijativagzup>



## Mir sa ženskim licem

Fondacija CURE je u sklopu Inicijative „Mir sa ženskim licem“ organizovala uličnu akciju na dan sjećanja na stradanje žena u ratu, 8. 12. 2022. godine. Na uličnoj akciji učestvovalo je desetak aktivistkinja s ciljem ukazivanja na nepravedan odnos društva prema ženama koje su žrtve rata, a koje nemaju adekvatno mjesto u kolektivnom sjećanju, bez spomenika ili dana kada bismo ih se sjećali/e i otrgli/e od zaborava. Dan sjećanja na stradanje žena u ratu obilježen je u 12 gradova Bosne i Hercegovine, a Sarajevo je jedan od njih.



## Inicijativa „Podijelimo odgovornost ravnopravno“

Inicijativa „Podijelimo odgovornost ravnopravno“, neformalna koalicija organizacija civilnog društva i političara/ki, zagovara izmjenu Izbornog zakona BiH na sljedeći način:

- izmjena na osnovu koje bi se sa kompenzacijske liste popunio nedostajući broj izabраних žena od minimalno 40 %;
- očuvanje rodne kvote i njeno povećanje na 50 %, uz princip naizmjeničnog redoslijeda kandidata i kandidatkinja.

Kompenzacijske liste formiraju lideri političkih stranaka i volja birača/ica ne utiče na redoslijed na listi. Upravo je to prostor koji bi mogao omogućiti nedostajući broj izabраних osoba manje zastupljenog spola do 40 % zbog čega ovo rješenje smatramo optimalnim.



U martu 2022. godine u Parlamentarnoj skupštini Bosne i Hercegovine održana je press konferencija na temu „Izmjene Izbornog zakona BiH: Žene ponovo isključene iz razgovora“ na kojoj su učestvovalе i predstavnice Fondacije CURE. U Bosni i Hercegovini već postoje kvote kada je u pitanju ravnopravna zastupljenost sva tri konstitutivna naroda BiH, stoga ne vidimo razlog zašto ne preduzeti iste mjere kako bismo osigurali ravnopravnu zastupljenost oba spola. Bitno je naglasiti da se ovakvim izmjenama ne bi uticalo na volju birača/ica, a približili/e bismo se ravnopravnoj i ravnomjernoј zastupljenosti muškaraca i žena u zakonodavnim tijelima.

## CURE – SARADNJA

U toku 2022. godine Fondacija CURE učestvovala je na oko 70 događaja koje su organizovale druge organizacije, institucije, formalne i neformalne grupe, a sve u cilju pružanja podrške i izgradnje kapaciteta. Na ovim događajima, susrele smo se sa preko 1000 osoba. **Ugostile smo preko 100 osoba i predstavile svoj rad kroz intervju i sastanke sa grupama osoba iz BiH, regije i svijeta. U toku 2022. godine Fondacija CURE je pozvana na 20 događaja na kojima je bilo preko 400 osoba, a na kojima smo prezentovale rad Fondacije CURE ili bile voditeljice i govornice na događajima od značaja za ravnopravnost spolova u BiH.**

Tokom 2022. godine učestvovala smo u različitim aktivnostima kao što su obilježavanje Dana bijelih traka u Prijedoru, obilježavanje 11. jula u Srebrenici i pružanje podrške učesnicama i učesnicima Marša mira 2022. Bile smo pokretačice, saradivale smo i učestvovala u različitim inicijativama, javnim reagovanjima pružajući podršku u borbi za ostvarivanje osnovih ljudskih prava.

Tokom ljeta 2022., dvije američke studentice, Elle i Morgan, provele su mjesec dana podržavajući aktivnosti Fondacije CURE. Uvijek nam je drago pružiti priliku mladim ženama da uče od iskusnijih aktivistinja. Solidarnost i umrežavanje nemaju granica!

Prisustvovala smo i na različitim seminarima, okruglim stolovima, konferencijama i edukacijama, gdje smo izgrađivale vlastite kapacitete, ali i dijelile svoje znanje, a neke od aktivnosti koje izdvajamo su:



## **Osoba od povjerenja – Centar ženskih prava Zenica**

Tri članice tima Fondacije CURE priključile su se edukaciji za institut Osobe od povjerenja koju provode naše drugarice iz Centra ženskih prava Zenica. Kroz ovu edukaciju Fondacija CURE nastavlja sa jačanjem svojih kapaciteta kroz unaprjeđenje znanja i kompetencija svojih članica u direktnom radu sa ženama.

## **Lokalna saradnja sa školama**

Predstavnice Fondacije CURE su na osnovu molbe Osnovne škole „Safvet-beg Bašagić“ održale sedam edukativnih radionica o prevenciji nasilja, prepoznavanju nasilja i reagovanju u slučajevima nasilja za oko 100 mladih ljudi. Posebno smo ponosne jer smo u Kantonu Sarajevo prepoznate kao jedna od organizacija koja radi edukativne radionice u osnovnim i srednjim školama s ciljem prevencije nasilja.

## **Međunarodna saradnja – ISCOS Emilia Romagna**

Naša dugogodišnja saradnja sa prijateljima/cama i partnerima/cama iz Reggio Emilie (Italija) u maju ove godine krunisana je institucionalnim partnerstvom između općine Centar Sarajevo i grada Reggio Emilia. Uzvratna posjeta Sarajevu organizovana je u julu 2022., te je tom prilikom gradonačelnik Reggio Emilie, gospodin Luca Vecchi sa saradnicima posjetio Fondaciju CURE i izvršnoj direktorici Jadranki Miličević uručio prigodan poklon u znak solidarnosti i zahvalnosti za dugogodišnju saradnju i zajednički rad.

## **Regionalna saradnja – sestrinski festivali**

Sestrinski festivali koje smo posjetile: ArtFemine – Festival feminističkog aktivizma i

umetnosti u organizaciji Centra za devojke u Nišu na kojem su članice Fondacije CURE organizovale radionicu; Autonomni Festival Žena – AFŽ koji se organizovao u Novom Sadu i Festival ženskog aktivizma i stvaralaštva „Planeta ŽeNERA“ koji se organizovao u Konjicu. Na ovim događajima bilo preko 200 osoba kojima je predstavljena i Fondacija CURE.



## OSTALE AKTIVNOSTI FONDACIJE CURE

### Ulična akcija „Svaki minut je važan“

Regionalne aktivistice i članice nevladinih organizacija iz preko 40 organizacija iz Bosne i Hercegovine, Srbije i Crne Gore su u ponedjeljak, 17. januara, pozvale predstavnike/ce institucija koje su odgovorne za sprječavanje i suzbijanje svih oblika nasilja prema ženama i djevojčicama da od 2022. rade svoj posao odgovorno i savjesno i da zaštite preživjele, hitno postupaju i adekvatno kazne počinitelje jer **SVAKI MINUT JE VAŽAN!**

U okviru zajedničke akcije u tri države, u pet gradova (Beograd, Nikšić, Podgorica, Vranje i Sarajevo), postavljen je pješčani sat ispred institucija. Ovom akcijom željele smo poručiti da su sve institucije dužne da postupaju u skladu sa zakonom i međunarodnim propisima. Skulptura pješčanog sata ima za cilj da služi kao simbolički podsjetnik i opomena da su institucije kojima se obraćaju žene odgovorne za živote žena, a da ženama ističe vrijeme.



## 8. mart

Fondacija CURE organizovala je mirovno-aktivistički marš povodom 8. marta – Međunarodnog dana žena u cilju skretanja pažnje da životi žena nisu sigurni, a sa svakom društvenom ili prirodnom katastrofom, prava i sigurnost žena, djevojaka i djevojčica dodatno su ugroženi. Kako bi poslali/e poruku otpora svim vidovima nasilja i diskriminacije, na uličnom maršu pridružile su nam se aktivistkinje/i i organizacije s kojima dijelimo želju za državom ravnopravnih građana/ki u kojoj se promoviše mir i štite prava i slobode.

Ove godine oko 200 osoba je marširalo uz poruku „FEMINIZAM NIJE VODIO RATOVE – nacionalizam jeste!”. U Bosni i Hercegovini postoji patrijarhalno nasljeđe u kojem se u ime nacije poziva na netoleranciju, netrpeljivost, nasilje, promovišu se vrijednosti militarizma, razjedinjenosti, poziva se na sukobe, unosi se razdor među stanovništvom BiH, vrši se diskriminacija, segregacija i kreira političko okruženje u kojem građani/ke žive u strahu od novih sukoba.



## Ulični performans „Stop femicidu!“

Održavanjem uličnog performansa „Stop femicidu! Femicid - Ubistvo žena samo zato što su žene“ 25.11. 2022. godine u 12:00 sati na platou ispred Sarajevo City Centra (SCC), skrenule smo pažnju na žrtve femicida i na nasilje nad ženama koje se dešava svake sekunde na planeti i koje često završava ubistvom. Na uličnom performansu učestvovalo je oko 50 aktivistkinja i volonterki, a podijeljeno je preko 500 komada promotivnog materijala.

U periodu od 1. 1. 2022. godine do 13. 11. 2022. godine ubijeno je 11 žena, a do ovih podataka Fondacija CURE došla je na osnovu zabilježenih medijskih izvještaja. Postavljeni sto sa praznih 11 stolica i 11 praznih šoljica za kafu na trgu ispred SCC-a u Sarajevu u okviru ulične akcije „Stop femicidu!“ predstavljaju broj ubijenih žena u BiH u 2022. godini (prema medijskom izvještavanju) kao i sramotu Bosne i Hercegovine.



## ONLINE KAMPANJE u sklopu 16 dana aktivizma

ONLINE KAMPANJA „Nulta tolerancija na nasilje“ u sklopu projekta „Zagovaranje za ženska prava“ kojeg finansira Evropska unija, a realizuju Fondacija CURE i Fondacija za osnaživanje žena. Promocija kartica o nultoj toleranciji na nasilje nad ženama i edukativni materijal o rušenju stereotipa vezano za GBV objavljeni su na društvenim mrežama.

ONLINE KAMPANJA „FEMINIZAM NIJE VODIO RATOVE – Klerofašizam jeste!“ u kojem smo promovisale #NijePorodičnaTragedijaVećUbistvo #PatrijarhatUbija #NasiljeNijePrivatnaStvar #PrekinimoŠutnju #FemicidSeNeDešavaSlučajno #NećemoVšeDaŠutimo



Tokom novembra prisustvovala smo Ženskom mirovnom susretu u okviru Ženskog suda koji je organizovalo Udruženje žrtava rata „Foča 92-95“, Sarajevo i Žene u crnom. Na mirovnom susretu učestvovala su, osim organizatorki, feminističke terapeutkinje, svjedokinje Ženskog suda iz Đulića, Sarajeva, Zagreba, Kotora, Tuzle, Pljevalja... Željele smo da zajedno promišljamo o učešću žena u izgradnji mira i dostizanju pravde, kao i o preprekama i izazovima u zadovoljavanju pravde i postizanju pravednog mira. I naravno, željele smo da prenesemo iskustva Ženskog suda – feminističkog pristupa pravdi. Cilj ovog susreta bio je bolje međusobno upoznavanje radi jačanja saradnje, povjerenja, uzajamne podrške i solidarnosti. Susret je protekao u znaku radionica, projekcije dokumentarnih filmova, druženja... i planiranja novih zajedničkih aktivnosti.



## POZITIVNA PRIČA VOLONTERKE

U 2022. godini radile smo sa više od 20 volonterki koje su odlučile da daju svoj doprinos izgradnji boljeg društva kroz volontiranje u Fondaciji CURE. Izdajamo neke od brojnih pozitivnih priča:

„Volontiranje u Fondaciji CURE iskustvo je koje bih svima preporučila. Pored toga što se osjećate kao da činite pravu stvar i borite se za bitke kojih se drugi/e strah, to ne radite sami već rame uz rame sa divnim ljudima koji čine sve to mnogo ljepšim iskustvom. Bitni problemi koje svijet često zaboravi, ova Fondacija trudi se da promijeni. CURE su uvijek tu uz vas, znate da niste sami i da imate divne ljude koji će vam biti podrška i vjetar u leđa. Moja motivacija su uvijek i prije svega ljudi koji me inspirišu i želja da ovaj svijet učinimo ljepšim mjestom, dok nas ima, dok smo tu“.

„Meni je PitchWise festival bio značajan po tome što sam proširila vidike unutar polja feminizma. Sagledala sam ratna desavanja i posljedice kroz oči tadašnje žene, osjetila sav spektar emocija kroz koje je žena prolazila tokom konflikta u kojem je bila samo kolateralna šteta. Zahvaljujući ovom Festivalu, upoznala sam mnogo divnih žena, od kojih sam naučila mnogo. Također smo se sjetili/e običnih žena, heroina na tlu bivše države, ali i današnjih država regiona. One nažalost više nisu sa nama, ali su u mnogo tome doprinijele da se promijeni život žene kako na političkoj ili javnoj sceni, tako i u privatnoj sferi. Radujem se daljnjem volonterskom radu i narednom Festivalu!“



## **MREŽE**

### **EuroMed Feministička inicijativa**

Fondacije CURE učestvovala je u EuroMed Feminističkoj inicijativi EFI, odnosno sastanku i okruglom stolu pod nazivom „Agenda Žene, mir i sigurnost (WPSA)“ u periodu od 3. do 4. 11. 2022. godine u Bejrutu na kojima se raspravljalo o WPSA, te su se usvojile regionalne smjernice za njenu provedbu, a raspravljano je i o Regionalnom indeksu o WPSA i njegovom usvajanju. Članice EFI mreže razmijenile su iskustva i znanja o provedbi WPSA u različitim kontekstima i predstavile rezultate nacionalnih konsultacija u sedam zemalja južnog Sredozemlja, što daje temelj za razradu regionalnih smjernica za podršku provedbi.

### **IGLYO**

Fondacija CURE članica je IGLYO mreže, Međunarodne LGBTQI organizacije mladih i studenata/ica. IGLYO trenutno broji više od 100 nevjerovatnih i vrijednih organizacija članica koje se nalaze u više od 40 zemalja diljem svijeta, pomažući LGBTQI pokretu mladih da raste i razvija se.

Fondacija CURE učestvovala je u IGLYO godišnjem sastanku članova/ica mreže u sklopu Konferencije 2022 koja je okupila preko 70 LGBTQI mladih aktivista/ica iz više od 30 zemalja u periodu od 13. do 17.10. 2022. u Briselu. Od konferencije na kojoj je diskutirano o Općoj skupštini i izboru odbora, pa sve do radionica koje su vodili/e članovi/ce i zabavnih društvenih aktivnosti, ova tri dana dala su nam povoda za razmišljanje i još više su zblížila našu međunarodnu porodicu LGBTQI mladih aktivista/kinja.

## MEDITERANSKI ŽENSKI FOND

Prisustovale smo sastanku Mediteranskog ženskog fonda u Parizu. Svrha ovog sastanka bila je pokrenuti kolektivno promišljanje u svjetlu razvoja situacije u mediteranskoj regiji i strategija koje je potrebno provesti, te analizirati stanje ženskog pokreta u lokalnim i regionalnim okvirima



## MEDIJSKA VIDLJIVOST

U 2022. godini Fondacija CURE zabilježila je 291 medijsko pojavljivanje. U elektronskim medijima registrovano je oko 15 sati emitovanja na 98 različitih TV i radio stanica, odnosno 98 TV i radio gostovanja i 186 objavljenih vijesti u *online* medijima. U štampanim medijima smo dokumentovale sedam objavljenih članaka, ali to nije konačan broj, nego onaj koji smo uspjeli registrovati.

Analiza *live stream*-a PitchWise festivala 2022. godine samo u 15 dana nam je pokazala da je pet (5) *live stream*-a i dva (2) videozapisa pregledalo preko 3000 osoba, te da imamo ukupno 14400 *reachova* na dan 22. 9. 2022.

Fondacija CURE kao koordinirajuća organizacija Ženske mreže Bosne i Hercegovine vodi web stranicu [www.zenskamreza.ba](http://www.zenskamreza.ba) na kojoj je objavljeno 33 teksta/članaka na lokalnom jeziku i dva na engleskom jeziku. Analitika korisnika/ca Facebook fan page-a ŽM BiH pokazuje 3600 lajkova (3620 osobe se sviđa fan page ŽM BiH), dok je 3915 osoba prati. Analitika korisnika/ca Facebook *page*-a Fondacije CURE pokazuje da nas prati 5900 osoba. Analitika Instagram profila Fondacije CURE pokazuje 1230 osoba koje nas prate.

### Analitika FB stranice Fondacije CURE:

- U sklopu Projekta „Zagovaranje za ženska prava” na FB stranici 20 tekstova imalo je doseg od 25 000, za pet zagovaračkih dokumentarnih videa na FB stranici doseg je bio 53000, dok je online kampanja u sklopu ovog projekta za vrijeme 16 dana aktivizma imala doseg od 23000.

- U sklopu Projekta „Zagovaranje za ženska prava” na FB stranici 20 tekstova imalo je doseg od 25 000, za pet zagovaračkih dokumentarnih videa na FB stranici doseg je bio 53000, dok je online kampanja u sklopu ovog projekta za vrijeme 16 dana aktivizma imala doseg od 23000.
- Analiza FB stranice pokazala je da je online kampanja za 8. mart imala preko 30 objava, a doseg je bio 17000.
- Analiza FB stranice pokazala je da je u prethodnom periodu 12 postova vezanih za PitchWise festival ženske umjetnosti i aktivizma imao doseg od 21000.
- Analiza FB stranice pokazala je da online kampanja za vrijeme 16 dana aktivizma imala doseg preko 20000.
- Analizom FB stranice došle smo do podatka za online kampanju „Progovori o nasilju” gdje su 56 kratkih video zapisa dosegli broj pregleda od 1.139.053.
- Analizom FB stranice pokazalo se da je program „Digitalno zalaganje” koji je imao 11 digitalnih zalagačkih događaja pregledalo 7000 osoba.
- Analizom društvenih medija procjenjuje se da je projekat „Žene i izgradnja mira u Bosni i Hercegovini” kroz online objave imao doseg od 1400 osoba.

#### Analitika ostalih socijalnih mreža Fondacije CURE:

- Analitika YouTube kanala Fondacije CURE pokazala je da je objavljeno preko 20 videa koje je pregledalo preko 1000 osoba.

- Analitika Instagram profila Fondacije CURE pokazuje da je Fondacija CURE objavila poruke sa oko 4000 like-ova. U sklopu projekta „Progovori o nasilju“ svi sadržaji kampanje korišteni su kako u Srbiji (na Instagram i TikTok stranicama „Mogu da neću“) tako i u Bosni i Hercegovini (na Instagram stranici „Progovori o nasilju“ i Facebook stranici Fondacije CURE). Procjena je da su ovi različiti materijali i platforme kampanje dosegli najmanje 70000 pojedinačnih korisnika/ca društvenih mreža, od kojih je većina između 13 i 25 godina.

## STATISTIKA

Procjenjujemo da smo u 2022. godini imale oko 2760 direktnih učesnika/ca i oko 74500 indirektnih učesnika/ca, a preko socijalnih mreža imale smo 1.430.400 reach-ova. Pretpostavljamo da se najmanje 30000 osoba informisalo o našim programima preko medijskog pojavljivanja odnosno na osnovu clippinga je evidentirano 291 medijsko pojavljivanje (svako pojavljivanje vidjelo je najmanje 100 osoba). Putem socijalnih medija zabilježile smo oko 14500 osoba koje su pratile naš rad, a naši postove i online kampanje dozele su oko 1.430.400 osoba. Na našim web stranicama smo zabilježile posjete 20000 osoba. Također, na YouTube kanalu imale smo preko 1000 pregleda. U 2022. podijelile smo oko 2000 promotivnih materijala različitim osobama. Kroz učešća na konferencijama, panelima, sastancima, radionicama i treninzima informisale smo najmanje 7000 osoba o našim aktivnostima.

## Direktni/e učesnike/ce:

- „Zagovaranje za ženska prava BiH“

Tokom cijele godine u implementaciji projektnih aktivnosti direktno je učestvovalo 146 osoba, od čega 105 članica iz nevladinog sektora i 40 predstavnika/ca lokalnih javnih institucija.

- „Gender Justice“

Tokom cijele godine u implementaciji projektnih aktivnosti direktno je učestvovalo 60 osoba, pripadnica i liderica pokreta rodne pravde sa području bivše Jugoslavije i Albanije.

- „Feminizam nije vodio ratove“

U implementaciji projektnih aktivnosti direktno je učestvovalo 225 osoba, od čega preko 120 osoba iz političkog života i 105 aktivista/kinja koji/e su učestvovali/e na radionicama, javnim prezentacijama i istraživanjima.

- „Progovori o nasilju“

U toku nastavka implementacije projekta u 2022., 20 mladih žena direktno je učestvovalo u snimanju dva dokumentarna filma.

- „Pružanje brzog odgovora, podrške i integracije za tražiteljice azila“

Direktno smo saradivale sa 10 osoba kako bi se ojačali kapaciteti u procesu integracije

jedne odrasle osobe i jednog maloljetnog djeteta.

- „Žene i izgradnja mira u Bosni i Hercegovini”

U ovom projektu, direktno je učestvovalo 200 osoba (na radionicama 66 osoba, 20 osoba na promociji „Neustrašivih heroina mira” i 37 osoba na panelu).

- „Zalaganje za ženska prava u BiH”

Tokom cijele godine direktno je rađeno sa 240 osoba kroz sastanke, prezentaciju projekta, kao i kroz predstavljanje ekonomskog segmenta projekta. 20 osoba učestvovalo je u kreiranju digitalnih događaja, 20 na godišnjoj zalagačkoj konferenciji i 20 aktivistkinja na zalagačkoj radionici.

- „Rodno osjetljive lokalne politike općine Centar Sarajevo u procesu pristupanja EU”

Korisnička grupa obuhvata oko 100 političkih dužnosnika/ca i državnih službenika/ca u općini Centar kao i članova/ica Komisije za ravnopravnost spolova, dok su indirektni/e korisnici/e građani/ke općine Centar Sarajevo (oko 50000).

- PitchWise festival ženske umjetnosti i aktivizma u BiH

Ove godine ugostile smo oko 300 osoba (registrovanih u toku **četiri festivalska** dana) i dodatno oko 200 osoba koje su posjećivale noćni program PW-a.

- 8. mart

Ove godine oko 200 osoba učestvovalo je u Osmomartovskom maršu.

- „Svaki minut je važan”

Na ovoj uličnoj akciji u Sarajevu učestvovalo je 10 osoba.

- 16 dana aktivizma

U 2022. organizovale smo ulični performans pod nazivom „Stop femicidu!” na kojem je učestvovalo oko 50 aktivistkinja i volonterki.

- U okviru Ženske mreže BiH u toku 2022. godine direktno smo radile sa oko 100 osoba iz 55 organizacija (učesče na Konferenciji, dodjela grantova, komunikacija sa Koordinacionim odborom, javna reagovanja na slučajeve kršenja ženskih prava).

- Kao partnerice u projektu „Građanke za ustavne promjene“ u toku godine radile smo sa oko 50 direktnih učesnika/ca putem uličnih akcija, prezentacije projekta, komunikacije i organizovanja zajedničkih inicijativa sa članicama Inicijative.

- Kao partnerice u projektu “Mir sa ženskim licem”, direktno smo saradivale sa 10 osoba kroz organizaciju ulične akcije.

- U Inicijativi „Podijelimo odgovornost ravnopravno“ u toku godine direktno je učestvovalo 20 osoba.



- U 2022. direktno smo radile sa 20 volonterki, uključujući dvije studentice iz SAD-a i dvije osobe koje su odradile *internship* u Fondaciji CURE.
- U toku 2022. godine u Fondaciji CURE ugostile smo preko 100 osoba i predstavile svoj rad kroz intervju i sastanke sa grupama iz BiH, regije i svijeta.
- U toku 2022. godine Fondacija CURE pozvana je na 20 događaja na kojima je bilo preko 400 osoba i na kojima smo prezentovale rad Fondacije CURE ili bile voditeljice i govornice na događajima od značaja za ravnopravnost spolova u BiH.
- U toku 2022. godine Fondacija CURE učestvovala je na oko 70 događaja koje su organizovale druge organizacije, institucije, formalne i neformalne grupe, a sve u cilju pružanja podrške i izgradnje kapaciteta.
- Sestrinski festivali

Posjetile smo četiri sestrinska festivala na kojima je učestvovalo preko 200 osoba kojima je predstavljena i Fondacija CURE.

- Na osnovu molbe Osnovne škole „Safvet-beg Bašagić“, predstavnice Fondacije CURE održale su sedam edukativnih radionica za oko 100 mladih ljudi.

## **DONATORKE I DONATORI:**

Evropska komisija; Kvinna till Kvinna (KTK); Global Fund for Women (GFW); Fondacija TRAG/Fondacija OAK; Mediterranean Women's Fund; Heart and Hand Fund; Sigrid Rausing Trust; Heinrich Böll Stiftung Sarajevo (HBS); Friedrich-Ebert-Stiftung u Bosni i Hercegovini (FES); Reactor – Istraživanje u akciji; ISCOS – Emilia Romagna; Women's World Day of Prayer (WWDP) - German Committee.

**Fondacija CURE želi da se zahvali svima vama – prijateljicama i prijateljima iz Bosne i Hercegovine i cijeloga svijeta na vašoj kontinuiranoj pažnji, podršci i prijateljstvu koje nam bezrezervno pružate sve ove godine.**

Fondacija CURE media:

Web: **[www.fondacijacure.org](http://www.fondacijacure.org)**

Instagram: **@fondacijacure**

Twitter: **@Fondacija\_CURE**

Facebook: **<https://www.facebook.com/fondacijacure/>**

YouTube: **Fondacija CURE**